अष्टमः प्रश्नः 1

॥तैत्तिरीय ब्राह्मणम्॥

॥अष्टमः प्रश्नः॥

॥ तैत्तिरीयब्राह्मणे द्वितीयाष्टके अष्टमः प्रपाठकः॥

पीवौन्ना रियवृधः सुमेधाः। श्वेतः सिषक्ति नियुतांमभिश्रीः। ते वायवे समनसो वितंस्थुः। विश्वेन्नरंः स्वपत्यानि चकुः। रायेऽनु यञ्जज्ञतू रोदंसी उभे। राये देवी धिषणां धाति देवम्। अधां वायुं नियुतः सश्चत स्वाः। उत श्वेतं वसुंधितिन्निरेके। आ वांयो प्र याभिः। प्र वायुमच्छां बृहती मंनीषा॥१॥ बृहद्रंयिं विश्ववारा रथप्राम्। द्युतद्यांमा नियुतः पत्यंमानः। कविः कविमियक्षसि प्रयज्यो। आ नो नियुद्धिः शतिनींभिरध्वरम्। सहस्रिणींभिरुपं याहि यज्ञम्। वायों अस्मिन् हविषिं मादयस्व। यूयं पांत स्वस्तिभिः सदां नः। प्रजापते न त्वदेतान्यन्यः। विश्वां जातानि परि ता बंभूव। यत्कांमास्ते जुहुमस्तं नों अस्तु॥२॥

वय इस्याम पत्रयो रयीणाम्। रयीणां पतिं यज्ततं बृहन्तम्।

अस्मिन्भरे नृतंमुं वाजंसातौ। प्रजापंतिं प्रथमजामृतस्यं। यजांम देवमधिं नो ब्रवीतु। प्रजापते त्वन्निंधिपाः पुराणः। देवानां पिता जंनिता प्रजानाम्। पतिर्विश्वंस्य जगंतः परस्पाः। ह्विनों देव विह्वे जुंषस्व। तवेमे लोकाः प्रदिशो दिशंश्च॥३॥

प्रावतों निवतं उद्वतंश्च। प्रजांपते विश्वसृज्जीवधंन्य इदं नों देव। प्रतिहर्य ह्व्यम्। प्रजापंतिं प्रथमं यज्ञियांनाम्। देवानामग्रे यज्ञतं यंजध्वम्। स नों ददातु द्रविण १ सुवीर्यम्। रायस्पोषुं वि ष्यंतु नाभिमस्मे। यो राय ईशें शतदाय उक्थ्यः। यः पंशूना १ रक्षिता विष्ठितानाम्। प्रजापंतिः प्रथम्जा ऋतस्यं॥४॥

स्हस्रंधामा जुषता हिवर्नः। सोमांपूषणेमौ देवौ। सोमांपूषणा रजंसो विमानम्। सप्तचंकु रथमविश्वमिन्वम्। विषूवृतं मनंसा युज्यमानम्। तिर्ञन्वथो वृषणा पर्श्वरिमम्। दिव्यंन्यः सदंनश्चक्र उच्चा। पृथिव्यामुन्यो अध्यन्तरिक्षे। तावस्मभ्यं पुरुवारं पुरुक्षुम्। रायस्पोषं विष्यंतान्नाभिमस्मे॥५॥

धियं पूषा जिन्वत् विश्वमिन्वः। रिय सोमो रियपितिर्दधात्। अवत् देव्यदितिरन्वा। बृहद्वेदेम विदथे सुवीराः। विश्वान्यन्यो भुवंना ज्जानं। विश्वमन्यो अभिचक्षांण एति। सोमांपूषणाववंतन्धियं मे। युवभ्यां विश्वाः एतंना जयेम। उद्त्तमं वंरुणास्तंश्चाद्याम्। यत्किश्चेदङ्कित्वासंः। अवं ते हेड्स्तत्त्वां यामि। आदित्यानामवंसा न दंक्षिणा। धारयंन्त आदित्यासंस्तिस्रो भूमीधारयन्। युज्ञो देवानाः शुचिर्पः॥६॥

ते शुक्रासः शुचंयो रिश्मवन्तः। सीदंन्नादित्या अधिं बर्हिषिं प्रिये। कामेन देवाः स्रथं दिवो नः। आ याँन्तु यज्ञमुपं नो जुषाणाः। ते सूनवो अदितेः पीवसामिषम्। घृतं पिन्वत्प्रतिहर्यनृतेजाः। प्र यज्ञिया यजनानाय येमुरे। आदित्याः कामं पितुमन्तंम्स्मे। आ नंः पुत्रा अदितेर्यान्तु यज्ञम्। आदित्यासंः पृथिभिर्देवयानैः॥७॥

अस्मे कार्मन्दाशुषे सन्नमंन्तः। पुरोडाशं घृतवंन्तं जुषन्ताम्। स्कुभायत् निर्ऋति सेधतामंतिम्। प्र रिष्मिभिर्यतंमाना अमृधाः। आदित्याः काम् प्रयंतां वर्षद्वृतिम्। जुषध्वं नो ह्व्यदांतिं यज्ञत्राः। आदित्यान्काम्मवंसे हुवेम। ये भूतानिं जन्यंन्तो विचिख्युः। सीदंन्तु पुत्रा अदितेरुपस्थम्ं। स्तीणं बर्हिर्हंविरद्यांय देवाः॥८॥

स्तीणं बर्हिः सींदता यज्ञे अस्मिन्। ध्राजाः सेधंन्तो अमंतिं दुरेवांम्। अस्मभ्यं पुत्रा अदितेः प्र यर्सत। आदिंत्याः कामं हिविषो जुषाणाः। अग्ने नयं सुपर्था राये अस्मान्। विश्वांनि देव वयुनांनि विद्वान्। युयोध्यंस्मज्जंहराणमेनः। भूयिष्ठान्ते नमं उक्तिं विधेम। प्र वः शुक्रायं भानवं भरध्वम्। हृव्यं मृतिश्चाग्नये सुपूंतम्॥९॥

यो दैव्यांनि मानुंषा जुनू १ षें। अन्तर्विश्वांनि विद्यना

जिगांति। अच्छा गिरों मृतयों देवयन्तीः। अग्निं यंन्ति द्रविणं भिक्षंमाणाः। सुस्न्हश्रं सुप्रतींकृश्र् स्वश्रम्। ह्व्यवाहंमर्तिं मानुंषाणाम्। अग्ने त्वम्स्मद्यंयोध्यमींवाः। अनंग्नित्रा अभ्यंमन्त कृष्टीः। पुनर्स्मभ्यं सुवितायं देव। क्षां विश्वंभिरजरेंभिर्यजत्र॥१०॥

अग्ने त्वं पारया नव्यों अस्मान्। स्वस्तिभिरतिं दुर्गाणि विश्वां। पूश्चं पृथ्वी बंहुला नं उर्वी। भवां तोकाय तनयाय शं योः। प्रकारवो मन्ना वच्यमानाः। देवद्रीचींन्नयथ देवयन्तः। दक्षिणावाङ्गाजिनी प्राच्येति। ह्विर्भरंन्त्यग्नये घृताचीं। इन्द्रन्नरों युजे रथम्ं। जुगृभ्णाते दक्षिणिमन्द्र हस्तम्॥११॥

वसूयवो वसुपते वसूनाम्। विद्या हि त्वा गोपंति १ शूर् गोनाम्। अस्मभ्यं चित्रं वृषंण १ र्यिन्दाः। तवेदं विश्वंम्भितः पश्वयम्। यत्पश्यंसि चक्षंसा सूर्यस्य। गवांमसि गोपंतिरेकं इन्द्र। भृक्षीमहिं ते प्रयंतस्य वस्वंः। सिनंद्र णो मनंसा नेषि गोभिः। स॰ सूरिभिर्मघवन्त्सः स्वस्त्या। सं ब्रह्मणा देवकृतं यदस्ति॥१२॥

सं देवाना र्रं सुमृत्या युज्ञियांनाम्। आराच्छत्रुमपं बाधस्व दूरम्। उग्रो यः शम्बंः पुरुहूत् तेनं। अस्मे धेहि यवमद्गोमंदिन्द्र। कृधीधियं जिर्त्रे वाजंरत्नाम्। आ वेधस् स हि शुचिंः। बृह्स्पतिः प्रथमञ्जायंमानः। महो ज्योतिषः पर्मे व्योमन्। स्प्तास्यंस्तुविजातो रवेण। वि सप्तरंश्मिरधमत्तमा र्रस॥१३॥

बृह्स्पतिः समंजयद्वसूंनि। महो व्रजान्गोमंतो देव एषः। अपः सिषांसन्त्सुवरप्रंतीत्तः। बृह्स्पतिर्हन्त्यमित्रंमकैः। बृहंस्पते पर्येवा पित्रे। आ नो दिवः पावीरवी। इमा जुह्वांना यस्ते स्तनंः। सरस्वत्यभि नो नेषि। इय शुष्मंभिर्विस्खा इंवारुजत्। सानुं गिरीणान्तंविषेभिंक्मिभिः। पारावद्ग्रीमवंसे सुवृक्तिभिः। सरस्वतीमा विवासेम धीतिभिः॥१४॥

देवयानैदिवाः सुपूर्तं यजत्र हस्तमस्ति तमाईस्यूर्मिभिर्द्वे चं॥————[२]

सोमों धेनु सोमों अर्वन्तमाशुम्। सोमों वीरं कंर्मण्यं ददातु। सादन्यं विद्थ्य समेयम्। पितुः श्रवंणं यो ददांशदस्मे। अषांढं युत्सु त्व सोम ऋतुंभिः। या ते धामांनि ह्विषा यर्जन्ति। त्विममा ओषंधीः सोम् विश्वाः। त्वम्पो अंजनयस्त्वङ्गाः। त्वमातंतन्थोर्वन्तिरिक्षम्। त्वश्योतिषा वि तमों ववर्थ॥१५॥

या ते धामांनि दिवि या पृथिव्याम्। या पर्वतेष्वोषंधीष्वप्सु। तेभिर्नो विश्वैः सुमना अहेडन्। राजैन्त्सोम् प्रतिं ह्व्या गृंभाय। विष्णोर्नुकन्तदस्य प्रियम्। प्र तद्विष्णुः। प्रो मात्रया तनुवां वृधान। न ते महित्वमन्वंश्जुवन्ति। उभे ते विद्य रजंसी पृथिव्या विष्णों देव त्वम्। प्रमस्यं वित्से॥१६॥

विचंक्रमे त्रिर्देवः। आ ते महो यो जात एव। अभि गोत्राणि। आभिः स्पृधों मिथतीररिषण्यन्। अमित्रस्य व्यथया मृन्युमिन्द्र। आभिर्विश्वां अभियुजो विषूचीः। आर्याय विशोवंतारीर्दासीः। अयर शृंण्वे अध जयंत्रुत घ्नन्। अयमुत प्र कृणुते युधा गाः। यदा स्तयं कृणुते मृन्युमिन्द्रं:॥१७॥

विश्वंन्द्रढं भंयत् एजंदस्मात्। अनुं स्वधामंक्षर्त्रापों अस्य। अवर्धत् मध्य आ नाव्यांनाम्। सुधीचीनेन मनसा तिमेन्द्र ओजिष्ठेन। हन्मंनाहन्नभिद्यून्। मुरुत्वंन्तं वृष्भं वांवृधानम्। अकंवारिं दिव्य शासिमन्द्रम्। विश्वासाह्मवंसे नूतंनाय। उग्र सहोदामिह त हंवेम। जिनेष्ठा उग्रः सहंसे तुरायं॥१८॥

मन्द्र ओजिष्ठो बहुलाभिमानः। अवधिन्निन्द्रं म्रुतिश्चिदत्रं। माता यद्वीरन्द्धनृद्धनिष्ठा। क्रस्यावो मरुतः स्वधाऽऽसीत्। यन्मामेक र स्मर्धत्ताहिहत्यै। अह इ ह्युंग्रस्तिविषस्तुविष्मान्। विश्वस्य शत्रोरनमं वध्स्रेः। वृत्रस्यं त्वा श्वसथा दीषंमाणाः। विश्वं देवा अंजहुर्ये सर्खायः। म्रुद्धिरिन्द्र स्ख्यन्ते अस्तु॥१९॥

अथेमा विश्वाः पृतंना जयासि। वधीं वृत्रं मंरुत इन्द्रियेणं।

स्वेनु भामेन तिवेषो बंभूवान्। अहमेता मनवे विश्वश्चंन्द्राः। सुगा अपश्चंकर् वर्ज्ञंबाहुः। स यो वृषा वृष्णियेभिः समोंकाः। महो दिवः पृथिव्याश्चं सम्राट्। सतीनसंत्वा हव्यो भरेषु। मरुत्वां नो भवत्विन्द्रं ऊती। इन्द्रों वृत्रमंतरद्वृत्रतूर्ये॥२०॥ अनाधृष्यो मुघवा शूर इन्द्रं। अन्वेनं विशो अमदन्त पूर्वीः। अयर राजा जगंतश्चर्षणीनाम्। स एव वीरः स उं वीर्यावान्। स एंकराजो जगंतः परस्पाः। यदा वृत्रमतंरुच्छूर् इन्द्रं। अथांभवद्दमिताभिक्रंतूनाम्। इन्द्रों युज्ञं वर्धयंन्विश्ववंदाः। पुरोडाशंस्य जुषता १ हिवर्नः। वृत्रन्तीृर्त्वा दानुवं वर्ज्जबाहुः॥२१॥

दिशोऽह १ हहू १ हिता ह १ होणेन। इमं यज्ञं वर्धयेन्विश्ववेदाः।
पुरोडाशं प्रति गृभ्णात्विन्द्रः। यदा वृत्रमतंरुच्छूर इन्द्रः।
अथैकराजो अभवज्ञनानाम्। इन्द्रो देवाञ्छंम्बर्हत्यं
आवत्। इन्द्रो देवानामभवत्पुरोगाः। इन्द्रो युज्ञे ह्विषां
वावृधानः। वृत्रतूर्नो अभय शर्म य १ सत्। यः सप्त

सिन्धू रदेधात्पृथिव्याम्। यः सप्त लोकानकृणोद्दिशंश्च। इन्द्रो हिविष्मान्त्सगंणो मुरुद्भिः। वृत्रतूर्नो यज्ञमिहोपं यासत्॥२२॥

वृवर्थ वित्स इन्द्रंस्तुरायाँस्तु वृत्रतूर्ये वर्जवाहुः पृथिव्यात्रीणि च॥———[3]

इन्द्रस्तरंस्वानिभमातिहोग्रः। हिरंण्यवाशीरिषिरः सुंवर्षाः। तस्यं वय सुंमतौ यज्ञियंस्य। अपि भद्रे सौमन्से स्याम। हिरंण्यवर्णो अभयं कृणोतु। अभिमातिहेन्द्रः पृतंनासु जि्ष्णुः। स नः शर्म त्रिवरूथं वि य सत्। यूयं पात स्वस्तिभिः सदां नः। इन्द्रई स्तुहि वृज्जिण्ड् स्तोमंपृष्ठम्। पुरोडाशंस्य जुषता सहिवर्नः॥२३॥

ह्त्वाभिमांतीः पृतंनाः सहंस्वान्। अथाभंयं कृणुहि विश्वतों नः। स्तुहि शूरं विज्ञिणमप्रंतीत्तम्। अभिमातिहनं पुरुह्तमिन्द्रम्। य एक इच्छतपंतिर्जनेषु। तस्मा इन्द्रांय हिवरा जुंहोत। इन्द्रों देवानांमिधपाः पुरोहितः। दिशां पितंरभवद्वाजिनीवान्। अभिमातिहा तिवषस्तुविष्मान्।

अस्मभ्यं चित्रं वृषंण १ रियन्दांत्॥ २४॥

य इमे द्यावापृथिवी महित्वा। बलेनाद रहिदिभमातिहेन्द्रेः। स नो हिवः प्रति गृभ्णातु रातयें। देवानां देवो निधिपा नो अव्यात्। अनंवस्ते रथं वृष्णे यत्तें। इन्द्रेस्य नु वीर्याण्यहन्नहिम्। इन्द्रो यातोऽवंसितस्य राजां। शमंस्य च शृङ्गिणो वर्ज्रबाहुः। सेदु राजां क्षेति चर्षणीनाम्। अरान्न निमः परि ता बंभूव॥२५॥

अभि सिध्मो अंजिगादस्य शत्रून्। वितिग्मेनं वृष्भेणा पुरोभेत्। सं वर्ज्रेणासृजद्भृत्रमिन्द्रंः। प्र स्वां मृतिमंतिरुच्छाशंदानः। विष्णुं देवं वर्रुणमूतये भगम्। मेदंसा देवा वृपयां यजध्वम्। ता नो यज्ञमागंतं विश्वधेना। प्रजावंदस्मे द्रविणेह धंत्तम्। मेदंसा देवा वृपयां यजध्वम्। विष्णुं च देवं वर्रुणं च रातिम्॥२६॥

ता नो अमीवा अप बार्धमानौ। इमं युज्ञं जुषमाणावुपेतम्। विष्णूवरुणा युवमध्वरायं नः। विशे जनाय महि शर्म यच्छतम्। दीर्घप्रयञ्ज्यू ह्विषां वृधाना। ज्योतिषाऽरांतीर्दह-तन्तमार्श्स। ययोरोजंसा स्किभता रजार्श्स। वीर्येभिर्वीरतंमा शविष्ठा। याऽपत्ये ते अप्रंतीत्ता सहोभिः। विष्णूं अगुन्वरुणा पूर्वहूंतौ॥२७॥

विष्णूंवरुणावभिशस्तिपावाँम्। देवा यंजन्त ह्विषां घृतेनं। अपामीवा सेधत स्क्षसंश्च। अथाधत्तं यजंमानाय शं योः। अ होमुचां वृष्भा सुप्रतूर्ती। देवानां देवतंमा शचिष्ठा। विष्णूंवरुणा प्रतिहर्यतन्नः। इदन्नरा प्रयंतमूतये ह्विः। मही नु द्यावांपृथिवी इह ज्येष्ठें। रुचा भेवता स्युचयंद्भिर्कैः॥२८॥

यत्सीं वरिष्ठे बृह्ती विमिन्वन्। नृवद्भोक्षा पंप्रथानेभिरेवैंः। प्रपूर्वजे पितरा नव्यंसीभिः। गीर्भिः कृणुष्वर् सदेने ऋतस्यं। आ नौ द्यावापृथिवी दैव्यंन। जनेन यातं मिहं वां वर्रूथम्। स इत्स्वपा भुवंनेष्वास। य इमे द्यावापृथिवी ज्जानं। उर्वी गंभीरे रजंसी सुमेकैं। अवर्शे धीरः शच्या समैरत्॥२९॥

भूरिन्द्वे अचंरन्ती चरंन्तम्। पृद्धन्तुङ्गर्भमुपदींदधाते। नित्यं

न सूनुं पित्रोरुपस्थैं। तं पिपृत रोदसी सत्यवाचम्ं। इदं द्यांवापृथिवी सृत्यमंस्तु। पितृर्मात्यदिहोपं ब्रुवे वाम्। भूतं देवानांमवमे अवोभिः। विद्यामेषं वृज्जनं जीरदांनुम्। उवी पृथ्वी बहुले दूरे अन्ते। उपं ब्रुवे नमंसा यज्ञे अस्मिन्। दर्धाते ये सुभगं सुप्रतूर्ती। द्यावा रक्षंतं पृथिवी नो अभ्वात। या जाता ओषंध्योऽति विश्वाः परिष्ठाः। या ओषंधयः सोमंराज्ञीरश्वावती रसांमवतीम्। ओषंधीरितिं मातरोऽन्या वो अन्यामंवतु॥३०॥

हुविर्नो दाद्भभूव रातिं पूर्वहूंतावुर्केरैरद्स्मिन्पश्चं च॥————[$oldsymbol{arphi}$]

शुचिन्नु स्तोम् श्र्व्यद्वृत्रम्। उभा वांमिन्द्राग्नी प्र चर्षणिभ्यः। आ वृत्रहणा गीर्भिर्विप्रः। ब्रह्मणस्पते त्वम्स्य यन्ता। सूक्तस्यं बोधि तनयं च जिन्व। विश्वन्तद्भद्रं यद्वन्तिं देवाः। बृहद्वंदेम विदथे सुवीरौः। स ईर् स्त्येभिः सर्खिभिः शुचद्भिः। गोर्धायसं विधन्सैरंतर्दत्। ब्रह्मणस्पतिवृषिभिर्वराहैः॥३१॥ घर्मस्वेदेभिद्रविणं व्यानट्। ब्रह्मण्स्पतेरभवद्यथावृशम्। सत्यो मृन्युर्मिह् कर्मा करिष्यतः। यो गा उदाज्त्स दिवे वि चांभजत्। मृहीवं रीतिः शवंसा सर्त्पृथंक्। इन्धांनो अग्निं वंनवद्वनुष्यतः। कृतब्रंह्मा शूशुवद्रातहंच्य इत्। जातेनं जातमित्मृत्प्र सृरंसते। यं यं युजं कृणुते ब्रह्मण्स्पतिः। ब्रह्मणस्पते सुयमंस्य विश्वहाँ॥३२॥

ग्यः स्यांम रथ्यो विवस्वतः। वीरेषुं वीरा उपंपृिङ्धिं नस्त्वम्। यदीशांनो ब्रह्मणा वेषि मे हवम्। स इज्जनेन स विशा स जन्मना। स पुत्रैर्वाजं भरते धना नृभिः। देवानां यः पितरमा विवसिति। श्रद्धामना ह्विषा ब्रह्मणस्पतिम्। यास्ते पूषन्नावो अन्तः। शुक्रन्ते अन्यत्पूषेमा आशाः। प्रपंथे प्थामंजनिष्ट पूषा॥३३॥

प्रपंथे दिवः प्रपंथे पृथिव्याः। उमे अभि प्रियतंमे स्थस्थैं। आ च परां च चरित प्रजानन्। पूषा सुबन्धंर्दिव आ पृथिव्याः। इडस्पतिर्म्घवां दुस्मवर्चाः। तं देवासो अदंदुः सूर्यायै। कामेन कृतन्तवस्ड् स्वश्रम्। अजाऽश्वः पशुपा वाजंबस्त्यः। धियं जिन्वो विश्वे भुवंने अर्पितः। अष्ट्रां पूषा शिथिरामुद्वरीवृजत्॥३४॥

स्श्रक्षांणो भुवंना देव ईयते। शुचीं वो ह्व्या मंरुतः शुचींनाम्। शुचिर्ं हिनोम्यध्वर शुचिंभ्यः। ऋतेनं सत्यमृत्सापं आयन्। शुचिंजन्मानः शुचंयः पावकाः। प्र चित्रमकं गृंणते तुरायं। मारुताय स्वतंवसे भरध्वम्। ये सहारंसि सहंसा सहंन्ते। रेजंते अग्ने पृथिवी मुखेभ्यः। अरसेष्वा मंरुतः खादयों वः॥३५॥

वक्षः सुरुक्ता उपं शिश्रियाणाः। वि विद्युतो न वृष्टिभीं रुचानाः। अनुं स्वधामायुंधैर्यच्छंमानाः। या वः शर्मं शशमानाय सन्ति। त्रिधातूंनि दाशुषे यच्छुताधि। अस्मभ्यन्तानि मरुतो वियन्त। र्यिं नी धत्त वृषणः सुवीरम्। इमे तुरं मुरुतो रामयन्ति। इमे सहः सहंस आन्मिन्त। इमे शर्संवनुष्युतो नि पान्ति॥३६॥

गुरुद्वेषो अरंरुषे दधन्ति। अरा इवेदचंरमा अहेव। प्रप्रं जायन्ते अकंवा महोंभिः। पृश्वेः प्रुत्रा उपमासो रभिष्ठाः। स्वयां मृत्या मुरुतः सं मिंमिक्षुः। अनुं ते दायि मृह इंन्द्रियाय। सूत्रा ते विश्वमनुं वृत्रहत्यें। अनुं क्षुत्रमनु सहो यजत्र। इन्द्रं देवेभिरनुं ते नृषह्यें। य इन्द्र शुष्मों मघवन्ते अस्ति॥३७॥

शिक्षा सर्खिभ्यः पुरुहूत नृभ्यः। त्व हि हुढा मंघवन्विचेताः। अपांवृधि परिवृतिं न राधः। इन्द्रो राजा जगंतश्चर्षणीनाम्। अधिक्षमि विषुंरूपं यदस्ति। तती ददातु दाशुषे वसूनि। चोद्द्राध उपंस्तुतश्चिद्वीक्। तमुंष्टुहि यो अभिभूत्योजाः। वन्वन्नवांतः पुरुहूत इन्द्रः। अषांढमुग्र सहंमानमाभिः॥३८॥

गीर्भिर्वर्ध वृष्मं चंर्षणीनाम्। स्थूरस्यं रायो बृंह्तो य ईशैं। तम् ष्टवाम विदथेष्विन्द्रम्। यो वायुना जयंति गोमंतीषु। प्र धृंष्णुया नंयति वस्यो अच्छं। आ ते शुष्मो वृष्म एंतु पृश्चात्। ओत्तरादंधरागा पुरस्तांत्। आ विश्वतो अभिसमेंत्वर्वाङ्। इन्द्रं द्युम्न सुवंर्वद्धेह्यस्मे॥३९॥

व्राहैंर्विश्वहांऽजिनष्ट पूषोद्वरीवृज्जत्खादयों वः पान्त्यस्त्याभिर्नवं च॥————[५]

आ देवो यांतु सिवता सुरत्नेः। अन्तिरिक्षप्रा वहंमानो अश्वैः। हस्ते दर्धानो नर्या पुरूणिं। निवेशयं च प्रसुवं च भूमं। अभीवृंतं कृशंनैर्विश्वरूपम्। हिरंण्यशम्यं यज्ततो बृहन्तम्। आस्थाद्रथर् सिवता चित्रभांनुः। कृष्णा रजार् सि तिवंषीन्दर्धानः। सर्घा नो देवः संविता स्वायं। आ साविषद्वस्पतिर्वसूनि॥४०॥

विश्रयंमाणो अमंतिमुरूचीम्। मूर्तभोजंनुमधंरासतेन। विजनां ज्छ्यावाः शिंतिपादो अख्यन्। रथु हिरंण्यप्रउगं वहंन्तः। शश्विद्दशंः सिवृतुर्देव्यंस्य। उपस्थे विश्वा भुवंनानि तस्थः। वि संपूर्णो अन्तरिक्षाण्यख्यत्। गुभीरवेपा अस्रः सुनीथः। केदानी सूर्यः किश्चेकत। कृतमान्द्याः रिश्मर्स्या तंतान॥४१॥

भगन्धियं वाजयंन्तः पुरंन्धिम्। नराशश्सो ग्रास्पतिंनीं अव्यात्। आ ये वामस्यं सङ्ग्थे रयीणाम्। प्रिया देवस्यं सिवृतः स्यांम। आ नो विश्वे अस्क्रांगमन्तु देवाः। मित्रो अर्यमा वर्रुणः स्जोषाः। भुवन् यथां नो विश्वे वृधासः। कर्यन्त्सुषाहां विथुरं न शवंः। शं नो देवा विश्वदेवा भवन्तु। शश्सरंस्वती सह धीभिरंस्तु॥४२॥

शमंभिषाचः शमं रातिषाचंः। शं नो दिव्याः पार्थिवाः शं नो अप्याः। ये संवितः सत्यसंवस्य विश्वेः। मित्रस्यं व्रते वर्रुणस्य देवाः। ते सौभंगं वीरवृद्गोमदप्रः। दधांतन् द्रविंणश्चित्रम्समे। अग्ने याहि दूत्यं वारिषण्यः। देवाः अच्छाः ब्रह्मकृतां गुणेने। सरस्वतीं मुरुतों अश्विनापः। यक्षि देवात्रं ब्रध्यांय विश्वानं॥४३॥

द्यौः पिंतः पृथिवि मात्रर्भुक्। अग्नै भ्रातर्वसवो मृडतां नः। विश्वं आदित्या अदिते स्जोषाः। अस्मभ्युर् शर्म बहुलं वि यंन्त। विश्वं देवाः शृणुतेमर हवंं मे। ये अन्तरिक्षे य उप द्यवि ष्ठ। ये अग्निजिह्वा उत वा यर्जनाः। आसद्यास्मिन्बर्हिषि मादयध्वम्। आ वाँ मित्रावरुणा हव्यर्जुष्टिम्। नर्मसा देवाववंसाववृत्याम्॥४४॥

अस्माकं ब्रह्म पृतंनासु सह्या अस्माकम्। वृष्टिर्द्व्या सुपारा। युवं वस्त्राणि पीवसा वंसाथे। युवोरिच्छंद्रा मन्तेवो हु सर्गाः। अवांतिरतमनृंतानि विश्वाः। ऋतेनं मित्रावरुणा सचेथे। तत्सु वां मित्रावरुणा महित्वम्। ईर्मा तस्थुषीरहंभिर्दुदहे। विश्वाः पिन्वथ् स्वसंरस्य धेनाः। अनुं वामेकः पविरा वंवर्ति॥४५॥

यद्व १ हिष्ठन्नाति विदे सुदान्। अच्छिंद्र १ शर्म भुवंनस्य गोपा। ततो नो मित्रावरुणाववीष्टम्। सिषांसन्तो जी(जि?)गिवा १ स्याम। आ नो मित्रावरुणा ह्व्यदांतिम्। घृतैर्गव्यूंतिमुक्षत्मिडांभिः। प्रतिं वामत्र वर्मा जनांय। पृणीतमुद्रो दिव्यस्य चारौः। प्र बाहवां सिसृतञ्जीवसे नः। आ नो गव्यूंतिमुक्षतं घृतेनं॥ ४६॥

आ नो जने श्रवयतं युवाना। श्रुतं में मित्रावरुणा हवेमा। इमा रुद्रायं स्थिरधंन्वने गिरंः। क्षिप्रेषंवे देवायं स्वधाम्ने अषांढाय सहंमानाय मीढुषे तिग्मायंधाय भरता शृणोतंन। त्वादंत्तेभी रुद्र शन्तंमेभिः। शृत हिमां अशीय भेषजेभिः। व्यंस्मद्वेषां वित्रं व्यश्हंः। व्यमीवाङ्श्वातयस्वा विष्वीः॥४७॥

अर्हंन्बिभर्षि मा नंस्तोके। आ ते पितर्मरुता स्मुम्नेतु। मा नः सूर्यस्य स्न्हशों युयोथाः। अभि नो वीरो अर्वति क्षमेत। प्र जांयेमिह रुद्र प्रजाभिः। एवा बेभ्रो वृषभ चेकितान। यथां देव न हंणी्षे न हश्सिं। हावनश्रूर्नो रुद्रेह बोधि। बृहह्वंदेम विदथे सुवीराः। परि णो रुद्रस्यं हेतिः स्तुहि श्रुतम्। मीढुंष्ट्रमार्हंन्बिभर्षि। त्वमंग्ने रुद्र आ वो राजांनम्॥४८॥

वर्सूनि ततानास्तु विश्वान् ववृत्यां ववर्ति घृतेन् विषूचीः श्रुतन्द्वे चं॥———— $oxedsymbol{\left[\xi
ight]}$

सूर्यो देवीमुषस् रोचंमानामर्यः। न योषांमुभ्येति पृश्चात्।

यत्रा नरों देवयन्तों युगानिं। वितन्वते प्रतिं भुद्रायं भुद्रम्। भुद्रा अश्वां हरितः सूर्यस्य। चित्रा एदंग्वा अनुमाद्यांसः। नुमस्यन्तों दिव आ पृष्ठमंस्थः। परि द्यावांपृथिवी यन्ति सद्यः। तत्सूर्यस्य देवत्वन्तन्मंहित्वम्। मुध्या कर्तोवितंत्र् सञ्जंभार॥४९॥

यदेदयुंक्त ह्रितः स्थस्थांत्। आद्रात्री वासंस्तन्ते सिमस्मैं। तिन्मत्रस्य वर्रणस्याभिचक्षें। सूर्यो रूपं कृणते द्योरुपस्थें। अनन्तम्न्यद्रशंदस्य पाजः। कृष्णम्न्यद्धरितः सं भेरिन्ति। अद्या देवा उदिता सूर्यस्य। निर्दंसः पिपृतान्निरंवद्यात्। तन्नो मित्रो वर्रणो मामहन्ताम्। अदितिः सिन्धुः पृथिवी उत द्योः॥५०॥

दिवो रुका उरुचक्षा उदेति। दूरे अर्थस्तरणिभ्राजिमानः। नूनञ्जनाः सूर्येण प्रसूताः। आयन्नर्थानि कृणवन्नपारिसे। शं नो भव चक्षसा शं नो अहाँ। शं भानुना शर हिमा शं घृणेने। यथा शमस्मै शमसंदुरोणे। तत्सूर्य द्रविणन्धेहि चित्रम्। चित्रं देवानामुदंगादनीकम्। चक्षुंर्मित्रस्य वरुंणस्याग्नेः॥५१॥

आप्रा द्यावांपृथिवी अन्तिरेक्षम्। सूर्यं आत्मा जगतस्त्रस्थुषंश्च। त्वष्टा दधत्तन्नंस्तुरीपम्। त्वष्टां वीरं पिशङ्गंरूपः। दशेमन्त्वष्टुंर्जनयन्त् गर्भम्। अतंन्द्रासो युव्तयो बिभंत्रम्। तिग्मानीक्ष् स्वयंशस्ञ्जनेषु। विरोचंमानं परिषीन्नयन्ति। आविष्ट्यों वर्धते चार्ररासु। जिह्मानांमूर्ध्वस्वयंशा उपस्थै॥५२॥

उभे त्वष्टुंर्बिभ्यतुर्जायंमानात्। प्रतीची सि्ट्हं प्रतिजोषयेते। मित्रो जनान्त्र स मित्र। अयं मित्रो नंमस्यः सुशेवंः। राजां सुक्षत्रो अजनिष्ट वेधाः। तस्यं वय र सुमतौ यज्ञियंस्य। अपि भद्रे सौमन्से स्यांम। अनुमीवास् इडंया मदंन्तः। मित्रज्मंवो वरिम्त्रा पृथिव्याः। आदित्यस्यं व्रतमुप्क्ष्यन्तः॥५३॥

वयं मित्रस्यं सुमृतौ स्याम। मित्रं न ई॰ शिम्या गोषुं गृव्यवंत्। स्वाधियों विदथें अप्स्वजीजनन्। अरेजयता १ रोदंसी पार्जसा गिरा। प्रतिं प्रियं यंज्तञ्जनुषामवंः। महा॰ आंदित्यो नमंसोपसद्यंः। यातयञ्जनो गृणते सुशेवंः। तस्मां

पुतत्पन्यंतमाय जुष्टम्। अग्नौ मित्रायं ह्विरा जुंहोत। आ वार् रथो रोदंसी बद्धधानः॥५४॥

हिर्ण्ययो वृषंभिर्यात्वश्वैः। घृतवंतिनः प्विभीरुचानः। इषाबौंढा नृपतिंवांजिनीवान्। स पंप्रथानो अभि पश्च भूमं। त्रिवन्धुरो मन्सायांतु युक्तः। विशो येन् गच्छंथो देवयन्तीः। कुत्रां चिद्याममिश्विना दर्धाना। स्वश्वां युशसाऽऽयांतम्वांक्। दस्रां निधिं मधुंमन्तं पिबाथः। वि वार् रथों वध्वां यादंमानः॥५५॥

अन्तां दिवो बांधते वर्तनिभ्यांम्। युवोः श्रियं परि योषांवृणीत। सूरों दुहिता परितिकायायाम्। यद्देवयन्तमवंथः शचींभिः। परिष्ठप्ट सवां मनांवां वयोगाम्। यो हस्यवार् रथिरावस्तं उस्राः। रथो युजानः परियातिं वर्तिः। तेनं नः शं योरुषसो व्युष्टौ। न्यंश्विना वहतं युज्ञे अस्मिन्। युवं भुज्युमवंविद्ध समुद्रे॥५६॥

उदूंहथुरर्णसो अस्रिधानैः। पुत्तित्रिभिरश्रमैरंव्यथिभिः।

द्रसनांभिरिश्वना पारयंन्ता। अग्नीषोमा यो अद्य वाँम्। इदं वर्चः सप्यतिं। तस्मै धत्तर सुवीर्यम्। गवां पोष्ड् स्विश्वयम्। यो अग्नीषोमां हिविषां सप्यात्। देवद्रीचा मनसा यो घृतेनं। तस्यं व्रतर रक्षतं पातमरहंसः॥५७॥

विशे जनाय मिह् शर्म यच्छतम्। अग्नीषोमा य आहुंतिम्। यो वान्दाशाँखविष्कृंतिम्। स प्रजयां सुवीर्यम्। विश्वमायुर्व्यश्ववत्। अग्नीषोमा चेति तद्वीर्यं वाम्। यदमुंष्णीतमवसं पणिङ्गोः। अवांतिरतं प्रथंयस्य शेषंः। अविन्दतं ज्योतिरेकं बहुभ्यंः। अग्नीषोमाविम स् मेऽग्नीषोमा हुविषः प्रस्थितस्य॥५८॥

जुभारु द्यौरुग्नेरुपस्थं उपुक्ष्यन्तों बद्धधानो वुध्वां यादमानः समुद्रेऽ १ हंसः प्रस्थितस्य॥🗕 [७]

अहमंस्मि प्रथम्जा ऋतस्यं। पूर्वं देवेभ्यां अमृतंस्य नाभिः। यो मा ददांति स इदेव माऽऽवाः। अहमन्नमन्नंमदन्तंमिद्याः। पूर्वमग्नेरिपं दहृत्यन्नम्। यत्तौ हांसाते अहमृत्तरेषुं। व्यात्तंमस्य पृश्वंः सुजम्भम्। पश्यंन्ति धीराः प्रचंरन्ति पाकाः। जहाँम्युन्यन्न जंहाम्युन्यम्। अहमन्नं वश्मिचंरामि॥५९॥

समानमर्थं पर्येमि भुअत्। को मामन्नं मनुष्यों दयेत। परांके अन्नं निहिंतं लोक एतत्। विश्वैदेवैः पितृभिंगृंप्तमन्नम्। यद्द्यते लुप्यते यत्पंरोप्यतें। शृत्तमी सा तनूर्मे बभूव। महान्तौं चरू संकृद्वुग्धेनं पप्रौ। दिवंं च पृश्चिं पृथिवीं चं साकम्। तत्सम्पिबंन्तो न मिनन्ति वेधसंः। नैतद्भयो भवंति नो कनीयः॥६०॥

अन्नं प्राणमन्नंमपानमांहुः। अन्नं मृत्युं तम्ं जीवातुंमाहुः। अन्नं ब्रह्माणों जरसं वदन्ति। अन्नंमाहुः प्रजनंनं प्रजानांम्। मोघमन्नं विन्दते अप्रचेताः। सत्यं ब्रंवीमि वध इत्स तस्यं। नार्यमणुं पुष्यंति नो सर्खायम्। केवंलाघो भवति केवलादी। अहं मेघः स्तनयन्वर्षन्नस्मि। मामंदन्त्यहमंदयन्यान्॥६१॥

अह सद्मृतो भवामि। मदांदित्या अधि सर्वे तपन्ति। देवीं वार्चमजनयन्त यद्वाग्वदेन्ती। अनुन्तामन्तादिध निर्मितां महीम्। यस्यां देवा अंदधुर्भोजंनानि। एकांक्षरां द्विपदा पद्यां च। वाचं देवा उपं जीवन्ति विश्वं। वाचं देवा उपं जीवन्ति विश्वं। वाचं वेवा उपं जीवन्ति विश्वं। वाचं गन्ध्वाः प्रावो मनुष्याः। वाचीमा विश्वा भुवनान्यर्पिता॥६२॥

सा नो हवं जुषतामिन्द्रंपत्नी। वागृक्षरं प्रथम्जा ऋतस्य। वेदांनां माताऽमृतंस्य नाभिः। सा नो जुषाणोपं यज्ञमागाँत्। अवंन्ती देवी सुहवां मे अस्तु। यामृषंयो मन्नकृतों मनीषिणः। अन्वैच्छं देवास्तपंसा श्रमेण। तान्देवीं वाच हिवषां यजामहे। सा नो दधातु सुकृतस्यं लोके। चुत्वारि वाक्परिंमिता पुदानि॥६३॥

तानिं विदुर्बाह्मणा ये मंनीषिणंः। गुहा त्रीणि निहिंता नेङ्गंयन्ति। तुरीयंं वाचो मंनुष्यां वदन्ति। श्रृद्धयाऽग्निः समिध्यते। श्रृद्धयां विन्दते हुविः। श्रृद्धां भगस्य मूर्धनिं। वचसा वेदयामसि। प्रियक् श्रृद्धे ददेतः। प्रियक् श्रृद्धे दिदांसतः। प्रियं भोजेषु यज्वंसु॥६४॥ इदं में उदितं कृषि। यथां देवा असुरेषु। श्रद्धामुग्रेषुं चित्रिरे। एवं भोजेषु यज्वंसु। अस्माकंमुदितं कृषि। श्रद्धां देवा यजंमानाः। वायुगोपा उपांसते। श्रद्धाः हृंद्य्यंयाऽऽकूंत्या। श्रद्धयां ह्यते हविः। श्रद्धां प्रातर्ह्वामहे॥६५॥

श्रद्धां मध्यन्दिनं परि। श्रद्धाः सूर्यस्य निम्नुचिं। श्रद्धे श्रद्धांपयेह माँ। श्रद्धा देवानिधं वस्ते। श्रद्धा विश्वंमिदं जगत्। श्रद्धां कामस्य मातरम्। ह्विषां वर्धयामिस। ब्रह्मं जज्ञानं प्रथमं पुरस्तात्। वि सीमृतः सुरुचो वेन आवः। स बुध्नियां उप मा अस्य विष्ठाः॥६६॥

सृतश्च योनिमस्तश्च विवंः। पिता विराजांमृष्भो रयीणाम्। अन्तरिक्षं विश्वरूप् आविवेश। तमकैर्भ्यंचिन्ति वृत्सम्। ब्रह्म सन्तं ब्रह्मणा वर्धयन्तः। ब्रह्मं देवानंजनयत्। ब्रह्म विश्वमिदं जगत्। ब्रह्मणः क्षत्रं निर्मितम्। ब्रह्मं ब्राह्मण आत्मनां। अन्तरंस्मित्रिमे लोकाः॥६७॥

अन्तर्विश्वमिदं जगंत्। ब्रह्मैव भूतानां ज्येष्ठम्।

तेन् कोऽर्हित् स्पर्धितुम्। ब्रह्मेन्देवास्त्रयंस्त्रि॰शत्। ब्रह्मेन्निन्द्रप्रजापती। ब्रह्मेन् ह् विश्वां भूतानि। नावीवान्तः स्माहिता। चतंस्र आशाः प्रचंरन्त्वग्नयः। इमं नो यज्ञं नयतु प्रजानन्। घृतं पिन्वंन्नुजर्॰ सुवीरम्॥६८॥

ब्रह्मं स्मिद्धंवत्याहुंतीनाम्। आ गावों अग्मत्रुत भ्द्रमंत्रन्। सीदंन्तु गोष्ठे रणयंन्त्वस्मे। प्रजावंतीः पुरुरूपां इह स्युः। इन्द्रांय पूर्वीरुषसो दुहांनाः। इन्द्रो यज्वंने पृण्ते चं शिक्षति। उपेद्दंदाति न स्वं मुंषायति। भूयोभूयो र्यिमिदंस्य वर्धयन्। अभिन्ने खिल्ले नि दंधाति देवयुम्। न ता नंशन्ति न ता अर्वां॥६९॥

गावो भगो गाव इन्द्रों मे अच्छात्। गावः सोमंस्य प्रथमस्यं भक्षः। इमा या गावः सर्जनास् इन्द्रः। इच्छामीद्धृदा मनसा चिदिन्द्रम्। यूयं गांवो मेदयथा कृशिश्चेत्। अश्लीलिश्चेत्कृणुथा सुप्रतीकम्। भद्रं गृहं कृणुथ भद्रवाचः। बृहद्वो वयं उच्यते सभासुं। प्रजावंतीः सूयवंस १ रिशन्तीः। शुद्धा अपः सुप्रपाणे पिबंन्तीः। मा वंः स्तेन ईशत् माऽघशर्थसः। परि वो हेती रुद्रस्यं वृश्यात्। उपेदमुंपपर्चनम्। आसु गोषूपंपृच्यताम्। उपंर्षभस्य रेतंसि। उपेन्द्र तवं वीर्ये॥७०॥

चुरामि कर्नीयोऽन्यानर्पिता पदानि यज्वंसु हवामहे विष्ठा लोकाः सुवीर्मर्वा पिबंन्तीष्पद्वं॥[८]

ता सूँर्याचन्द्रमसां विश्वभृत्तंमा मृहत्। तेजो वसुंमद्राजतो दिवि। सामौत्माना चरतः सामचारिणां। ययोर्ष्ट्रतं न मृमे जातुं देवयोः। उभावन्तौ परिं यात् अर्म्याः। दिवो न र्श्मी इस्तंनुतो व्यर्णवे। उभा भृवन्ती भृवना क्विक्रंतू। सूर्या न चन्द्रा चरतो ह्तामंती। पतीं द्युमिद्वेश्वविदां उभा दिवः। सूर्या उभा चन्द्रमंसा विचक्षणा॥७१॥

विश्ववारा वरिवोभा वरेण्या। ता नोऽवतं मित्मन्ता मिहिंवता। विश्ववपेरी प्रतरंणा तर्न्ता। सुवर्विदां दृशये भूरिरश्मी। सूर्या हि चन्द्रा वसुं त्वेषदर्शता। मनस्विनोभानुंचर्तोनु सन्दिवम्। अस्य श्रवों नृद्येः सप्त विश्रति। द्यावा क्षामां पृथिवी दर्शतं वपुः। अस्म

सूँर्याचन्द्रमसांऽभिचक्षें। श्रद्धेकिमिन्द्र चरतो विचर्तुरम्॥७२॥ पूर्वाप्रं चंरतो माययैतौ। शिशू क्रीडंन्तौ पिरं यातो अध्वरम्। विश्वान्यन्यो भुवंनाऽभि चष्टें। ऋतून्न्यो विदधंज्ञायते पुनंः। हिरंण्यवर्णाः शुचंयः पावका यासा राजां। यासां देवाः शिवेनं मा चक्षुंषा पश्यत। आपो भद्रा आदित्पंश्यामि। नासंदासीन्रो सदांसीत्त्दानींम्। नासीद्रजो नो व्योमा प्रो यत्। किमावंरीवः कुह् कस्य शर्मन्॥७३॥

अम्भः किमांसीद्गहेनं गभीरम्। न मृत्युर्मृतं तर्हि न। रात्रिया अहं आसीत्प्रकेतः। आनीदवातः स्वधया तदेकम्। तस्माँ द्धान्यं न पुरः किश्चनासं। तमं आसीत्तमंसा गूढमग्रैं प्रकेतम्। सुलिलः सर्वमा इदम्। तुच्छेनाभ्विपिहितं यदासीत्। तमंसुस्तन्मंहिना जांयतेकम्। कामुस्तदग्रे समंवर्तताधि॥७४॥

मनसो रेतः प्रथमं यदासीत्। सतो बन्धुमसंति निरंविन्दन्। हृदि प्रतीष्यां क्वयों मनीषा। तिर्श्वीनो वितंतो

रश्मिरेषाम्। अधः स्विदासी(३)दुपरि स्विदासी(३)त्। रेतोधा आंसन्मिह्मानं आसन्। स्वधा अवस्तात्प्रयंतिः प्रस्तांत्। को अद्धा वेद क इह प्र वोचत्। कृत आजांता कृतं इयं विसृष्टिः। अर्वाग्देवा अस्य विसर्जनाय॥७५॥ अथा को वेद यतं आब्भूवं। इयं विसृष्टिर्यतं आब्भूवं। यदि वा दधे यदि वा न। यो अस्याध्यक्षः पर्मे व्योमन्। सो अङ्ग वेद यदि वा न वेदं। किश्स्वद्वनङ्क उ स वृक्ष आंसीत्। यतो द्यावांपृथिवी निष्टतक्षुः। मनीषिणो मनसा पृच्छतेदुतत्। यद्ध्यतिष्ठद्भुवंनानि धारयन्। ब्रह्म वनं ब्रह्म स वृक्ष आंसीत्॥७६॥

यतो द्यावांपृथिवी निष्टतक्षुः। मनींषिणो मनसा विब्नंवीमि वः। ब्रह्माध्यतिष्ठद्भवनानि धारयन्। प्रातर्ग्निं प्रातरिन्द्र रे हवामहे। प्रातर्मित्रावरुणा प्रातरिश्वनां। प्रातर्भगं पूषणं ब्रह्मणस्पतिम्। प्रातः सोमंमुत रुद्र हुवेम। प्रातर्जितं भगमुग्र हुवेम। वयं पुत्रमिदतेयों विधर्ता। आधिश्चद्यं मन्यमानस्तुरिश्चेत्॥७७॥ राजां चिद्यं भगं भृक्षीत्याहं। भग् प्रणेतुर्भग् सत्यंराधः। भगेमां धियमुदंव ददेन्नः। भग् प्रणो जनय गोभिरश्वैः। भग् प्रनृभिर्नृवन्तः स्याम। उतेदानीं भगंवन्तः स्याम। उत प्रपित्व उत मध्ये अह्राम। उतोदिता मघवन्त्सूर्यस्य। व्यं देवाना र सुमृतौ स्याम। भगं पृव भगंवा अस्तु देवाः॥७८॥

तेन वयं भगवन्तः स्याम। तं त्वां भग् सर्व् इञ्जोहवीमि। स नो भग पुर पुता भवेह। समध्वरायोषसो नमन्त। द्धिकावेव शुचेये पदायं। अर्वाचीनं वंसुविदं भगं नः। रथंमिवाश्वां वाजिन आवंहन्तु। अश्वांवतीर्गोमतीर्न उषासः। वीरवंतीः सदंमुच्छन्तु भृद्राः। घृतं दुहांना विश्वतः प्रपीनाः। यूयं पांत स्वस्तिभिः सदां नः॥७९॥

विच्क्षणा विंचर्तुर शर्मन्निधं विसर्जनाय ब्रह्म वनं ब्रह्म स वृक्ष आंसीत्त्रिश्चेद्देवाः प्रधीना एकं च॥=[९] पीवौन्नान्ते शुक्रासः सोमों धेनुमिन्द्रस्तरंस्वाञ्छुचिमा देवो यांतु सूर्यो देवीमुहमंस्मि ता सूँर्याचन्द्रमसा नवं॥९॥

पीवौँत्रामग्ने त्वं पारयानाधृष्यः शुचित्रु विश्रयंमाणो दिवो रुक्मोऽत्रं प्राणमत्रन्ता सूँर्याचन्द्रमसा नवंसप्ततिः॥७९॥ अष्टमः प्रश्नः 33

पीवौन्नाय्यूँयं पात स्वस्तिभिः सदां नः॥

हरिः ओम्॥ ॥इति श्रीकृष्णयजुर्वेदीयतैत्तिरीयब्राह्मणे द्वितीयाष्टके अष्टमः प्रपाठकः समाप्तः॥

This PDF was downloaded from http://stotrasamhita.github.io.

 ${\sf GitHub: \ http://stotrasamhita.github.io \ | \ http://github.com/stotrasamhita.github.io} \ | \ http://github.com/stotrasamhita.github.io \ | \ http://github.io \ | \ http://github.io \ | \ http://github.io \ | \ http$

Credits: http://stotrasamhita.github.io/about/